



Headlines

- मुखमन्त्री उमर अब्दुल्ला होंरें उधमपुर दे थड़ इलाके दा दौरा लाया ते NH-44 पर जारी कम्में दा जायजा लैता। उनें कम्में गी तेजिया कन्ने सबूरा करने दियां हिदायतां बी जारी कीतियां।
- मुखमन्त्री उमर अब्दुल्ला होंरें बेमीना च ट्रांस्पोर्ट भवन ते नमें PVC पंजीकरण कार्ड दी शुरुआत करवाई।
- केन्द्रीय राज्यमन्त्री डाक्टर जितेन्द्र सिंह होंरें कठुआ च “स्वस्थ नारी-सशक्त परोआर”, “सेवा पर्व” दी शुरुआत कीती। इस्सी महिलायें दी सेहत- साफ-सफाई ते सशक्तिकरण लेई जन-आंदोलन करार दिता।
- सेहत मन्त्री स्कीना इतू होंरें “स्वस्थ नारी - सशक्त परोआर” अभियान सरबन्धी कार्यक्रम च वर्चुअल माध्यम राए हिस्सा लैता।
- मुखसचिव होंरें साईबर सुरक्षा ते डिजिटल Literacy गी प्रदेश च बढ़ावा देने लेई “सेवा पर्व” दी शुरुआत कीती।



CM NHW Restoration

मुख्यमंत्री उमर अब्दुल्ला होंरें उधमपुर दे थड़ इलाके दा दौरा लाया ते राष्ट्रीय जनैली सिड़क NH-44 दे हिस्से गी ठीक करने लेई जारी कम्मै दा जायजा लैता। इस मौके पर जल-शक्ति मंत्री जावेद राणा-MLA Chenani थमां विधायक बलवंत मनकोटिया ते उधमपुर दियां डिप्टी कमीशनर सलोनी राय होर बी उत्थे मौजूद हियां। दौरे दौरान NHA दे जम्मू-कश्मीर क्षेत्रिय अफसर R.S. Yadav होंरें मुख्यमंत्री होंरें गी कम्मै दी प्रगति बारे व्यापक जानकारी दिती। मुख्यमंत्री होंरें NHA दी हिदायत कीती जे ओह कम्मै दी रफ्तार गी तेज करन तां जे

आम लोकें गी सहूलत होई सकै। मगरा मुखमंत्री होरें मुकामी लोकें कन्नै गल्लबात कीती ते उन्दी मुश्कलें गी सुनेया।

<><><><><><>

CM Transport Bhawan

मुखमंत्री उमर अब्दुल्ला होरें बैमीना श्रीनगर च नमें बनाए गेदे ट्रांस्पोर्ट भवन दा उघाटन कीता। एहदे राएं इक्कै थाहर पर यातायात सरबन्धी सारियां सहूलतां हासिल होई जागंन ते कन्नो-कन्नी जम्मू -कश्मीर च ट्रांस्पोर्ट मैहकमा बी मजबूत होग। एह भवन इक सैन्ट्रल हब दे तौर पर कम्म करोग। इस मौके पर मुखमंत्री होरें PVC पंजीकरण प्रमाण-पत्र दी बी शुरुआत कीती। ट्रांस्पोर्ट मंत्री सतीश शर्मा होर बी इस मौके उत्थे मौजूद हे।

<><><><><><>

Jitender-Swasth Nari

केन्द्रीय मंत्री डाक्टर जितेन्द्र सिंह होरें आखेया ऐ जे केन्द्रीय सरकार जम्मू-कश्मीर च सेहत सरबन्धी ांचे गी होर बधाने लेई लगातार कम्म करा रदी ऐ। उनें जानकारी दिती जे जेह जी.एम.सी. कठुआ च टाटा कैंसर संस्थान कन्नै मिलियै कीमोथैरेपी ते रेडियेशन दी सुविधां आंदी गेइयां न, जेदे करी कैंसर दे मरीजें गी राहत मिलोग। कठुआ दे नगरी च इक प्रोग्राम दा सम्बोधन करदे होई डाक्टर सिंह होरें आखेया जेह इसलै महिलायें दी सेहत गी प्राथमिकता देना सब्भने शा जरूरी ऐ। एह सम्बोधन मुल्खै भरे च “स्वस्थ नारी, सशक्त परोआर” ते 8में “राष्ट्रीय पोषण माह” दे चलदे करोआया गया हा। उनें आखेया जेह इनें अभियानें दे तैहत पूरे मुल्खै च कैम्पें दा आयोजन करोआया जा रदा ऐ, जिंदे च जांच आस्तै टैस्ट ते लोकें च सेहत सरबन्धी जागरुकता करोआई जा रदी ऐ।

<><><><><><>

Env. Committee

जम्मू-कश्मीर विधान सभा दी पर्यावरण सरबन्धी कमेटी नै सारे स्कूलें च Environment Sciences गी जरूरी विशे दे तौर पर पढ़ाए जाने दी जरूरता पर जोर पाया। कमेटी नै इक

बैठक च आखेया जे हाल दे हाई, बदल फटने ते चानचक्क हाइ औने दिये घटनाएं मगरा इस बारे जानकारी उपलब्ध करोआना लाजमी ऐ। कमेटी नै आपदाएं कन्ने फौरी तौर पर निबड़ने, इस पेठा जागरुकता बढ़ाने पर जोर पाया। इस बैठक दी अध्यक्षता कमेटी दे चेयरमैन मोहम्मद युसुफ तारीगामी होरें कीती। इस दौरान हिमालयाई क्षेत्र च आए दे हाइ ते पर्यावरण स्हाबै असंतुलन बारे व्यापक गल्लबात होई ते इनें आपदाएं गी भविक्ख च होने थवां रोकने लेई तरीकेकारें पर बी चर्चा कीती गई।

<><><><><><>

Prog. Announcemtn GST Reforms

आकाशवाणी जम्मू दा इलाकाई समाचार एकांश 'अगली पीढ़ी सरबन्धी जी.एस.टी. सुधारें मतल्लक विषे पर इक्क 15एं मिनटें दी अवधि आहला विशेष परिचर्चा प्रोग्राम प्रसारित करोग। एह परिचर्चा 0 फीसदी ते 5 फीसदी जी.एस.टी. दरें ते 12 फीसदी जीएस.टी स्लैब गी खत्मकरी देने पर आधारित होग। 19 सितंबर 2025 गी शुक्रवारें बड़लै 8 बज्जियै 45एं मिनटें पर इस प्रोग्राम दा विशेष प्रसारण होग। इस विशेष प्रसारण च जम्मू-कश्मीर सरकार दे राज्य टैक्स करे सरबन्धी मैहकमे च अतिरिक्त कमिशनर जे.के.ए.एस अधिकारी नमरिता डोगरा होर खास मेहमान होडन, जेड़ियां इस विषे पर अपने विचार सांझा करडन। स्हाड़े एंकर विजय बजाज होर इस कार्यक्रम दी मेजबानी करडन। सुनदे रवो आकाशवाणी समाचार जम्मू मीडियम वेब 303 मीटर 990 किलोहर्टज पर ते एफ.एम 100.3 मेगाहर्टज पर।

<><><><><><>

Itoo -Swasth Nari Abhiyan

सेहत ते शिक्षा मंत्री स्कीना इतू होर कल 16 दिन चलने आहले “स्वस्थ नारी, सशक्त परोआर” अभियान जेदा प्रधानमंत्री नरेन्द्र मोदी होरें मध्य-प्रदेश दे धार थमां उदघाटन किता ऐ, ओहदे उदघाटन समारोह च वर्चुअल ांगै कन्ने शामिल होइयां। इस मौके पर बोलदे होई मंत्री होरें सेहत विभाग दे अधिकारियें गी जम्मू-कश्मीर दी हर नुक्कर तोड़ी इस अभियान गी पुजाने आस्तै निर्देश दिते, जेड़ा महिलायें दी सेहत कन्ने सरबन्धित ऐ। उनें पंचायत स्तर

तोड़ी सेहत सरबन्धी अमले गी एहदे च हिस्सा लैने आस्तै आक्खेया, तां जेह एहदे लक्ष्य गी जमीनी स्तर उप्पर बी पूरा कीता जाई सकै।

<><><><><><>

GST Reforms Textiles

मुख्य भरै दे बसनीकें ते कारोबारिएं, सरकार आसेआ हाल च कीती गेदी जी.एस.टी दिएं दरें च कटौती दी घोशणा दा बड़ा मता सोआगत कीता ऐ। अज्ज अस कपड़ा-खेतर च कीते गेदे सुधारें दे बारें च गल्ल करै करने आं। अगली पीढ़ी दे जी.एस.टी सुधारें तैहत कपड़ा उद्योग च कीती गेदी टैक्स कटौती नै आम माहनुयै पर पौने आहले माली बोझ गी घट्ट करी दिता ऐ। दस्ती बनाए जाने आहले टल्लें पर हून जी.एस.टी 18 फीसद दे बजाय 5 फीसद करी दिता गेआ ऐ जिसलै के धागें पर जी.एस.टी दी दर गी 12 फीसद शा घटाइयै 5 फीसद कीता गेआ ऐ। कपड़ा खेतर च टैक्स दिएं दरें गी युक्तिसंगत बनाने कन्नै मेद ऐ जे लागत घट्ट होग, मंग बधोग ते निर्यात बधडन। तोआई ाई जहार रपें तगर दे रेडीमेट कपड़ें पर जी.एस.टी दी दर गी घटाइयै 5 फीसद कीता गेआ ऐ। इस सरबन्धै च मीडिया कन्नै गल्ल करदे होई कपड़ा खेतर दे इक कारोबारी सुशील गरोडिया होरें इस गैह दा सोआगत कीता ते आखेआ जे इस गैह कन्नै कपड़ा खेतर दे कन्नो-कन्नी देसै दी अर्थबवस्था गी बी बढ़ावा मिलोग।

<><><><><><>

Sewa Parv

मुख्य सचिव अटल डुल्लु होरें “सेवा-पर्व” दी कल शुरुआत कीती। एह इक जत्न ऐ, साईबर सुरक्षा ते डिजिटल Literacy बारे आम लोकें गी जागरुक करने आस्तै। इस दौरान जम्मू-कश्मीर दे सारे जिलें च CSC केन्द्रें राएं सरबन्धी जागरुकता फैलाई जाग। एदा मकसद डिजिटल साईबर ते सुरक्षित ऑनलाईन तौर-तरीके बारे लोकें गी जानकार बनाया जाग। इस मौके पर बोलदे होई मुख्य सचिव होरें तेजिया कन्नै बदला रदे तकनॉलोजी आधारित परिदृश्य बारे जागरुकता पैदा करने पर जोर पाया। उनें नागरिकें गी इस बारे सशक्त ते जानकार बनाने प्रति सरकार दी वचनबद्धता गी फही पक्का कीता।

<><><><><><>

Sewa Parv Udhampur

जिला प्रशासन उधमपुर नै बी “सेवा-पर्व 2025” दे अंतरगत डिप्टी कमीशनर सलोनी राय हुंदी अगुआई च बक्ख-बक्ख गतिविधियें ते जागरुकता कैंपें दा आयोजन कीता। विभागें “सेवा-पर्व 2025” दे हेठ सेहत सरबन्धी जांच, बूहटे लाने आहले अभियान, शिक्षा केन्द्रित प्रोग्रामें ते कौशल विकास आस्तै वर्कशाप करोआइयां ते इन्हें गतिविधियें दी शुरुआत स्वच्छता संगध कन्नै कीती गई। इस मौके पर बोलदे होई डिप्टी कमीशनर होरें आकखेया जेह “सेवा-पर्व 2025” दा मकसद निस्वार्थ सेवा, समाजी जिम्मेदारी ते समुदायिक भागीदारी गी बधाना ऐ। तोंआई देविका नदी च डी.सी. सलोनी राय हुंदी अगुआई च सफाई अभियान करोआया गया।

<><><><><><>